

Saya masih terasa kehilangan Endon – Abdullah

Oleh FAUZI JAAFAR
dan ZABRI MOHAMAD

KUALA LUMPUR 3 Dis. – Datuk Seri Abdullah Ahmad Badawi mengakui masih terasa kehilangan isterinya, Datin Seri Endon Mahmood.

Secara jujur Perdana Menteri menyatakan perasaan itu menyebabkan beliau terasa amat sukar untuk membicarakan tentang arwah isterinya itu, walaupun telah setahun lebih pemergiannya pada 20 Oktober tahun lalu.

Beliau meluahkan isi hatinya itu kepada

anggota keluarga dan rakan-rakan yang hadir pada majlis pelancaran buku bertajuk *A Bouquet of Jasmines: Friends and Family Remember Kak Endon*, yang disempurnakan oleh Permaisuri Agong Tuanku Fauziah Tengku Abdul Rashid di sini malam ini.

Perdana Menteri mengakui beliau masih belum bersedia untuk menulis atau menceritakan kenangannya hidup bersama Endon.

“Saya dapati susah untuk bercakap tentang Endon. Jika saya memperkatakan sesuatu tentang Endon, ia masih tidak cukup untuk menjelaskan tentang diri be-

liau (Endon) sepenuhnya,” katanya.

A Bouquet of Jasmines: Friends and Family Remember Kak Endon, terbitan Yayasan Budi Penyayang adalah untuk memperingati setahun Endon, bekas pengasas yayasan itu, meninggal dunia.

Turut hadir adalah Yang di-Pertuan Agong Tuanku Syed Sirajuddin Syed Putra Jamalullail, Menteri Luar Datuk Seri Syed Hamid Albar, Menteri Kebudayaan, Kesenian dan Warisan Datuk Seri Dr. Rais Yatim, Menteri Pembangunan Wanita, Keluarga dan Masyarakat Datuk Seri Shahrizat Abdul Jalil dan beberapa lagi Menteri kabinet serta timbalan menteri.

Abdullah berkata, perasaan yang sama turut dirasakan oleh kedua-dua anaknya sehingga beliau dan anak-anaknya Kamaluddin serta Nouri tidak menyumbang sebarang artikel untuk buku berkenaan.

Menurut Perdana Menteri, hanya menantuninya, Khairy Jamaluddin dan Datin Azreen Abdullah yang telah menyumbang artikel untuk buku tersebut.

Buku tersebut diterbitkan oleh Yayasan Budi Penyayang Malaysia (Penyayang) berharga RM198 senaskhah dan boleh didapati di semua kedai buku MPH dan kedai-kedai buku ternama lain di Malaysia dan Singapura.

um-4/12/2006